

I. DISPOSICIÓN XERAIS

MINISTERIO PARA A TRANSICIÓN ECOLÓXICA

15917 *Corrección de erros da Orde TEC/1078/2018, do 28 de setembro, pola que se declara a situación crítica de *Cistus heterophyllus carthagenensis*, *Lanius minor*, *Margaritifera auricularia*, *Marmaronetta angustirostris*, *Mustela lutreola*, *Pinna nobilis* e *Tetrao urogallus cantabricus* en España, e se declaran de interese xeral as obras e proxectos encamiñados á recuperación destes taxons.*

Advertidos varios erros na Orde TEC/1078/2018, do 28 de setembro, pola que se declara a situación crítica de *Cistus heterophyllus carthagenensis*, *Lanius minor*, *Margaritifera auricularia*, *Marmaronetta angustirostris*, *Mustela lutreola*, *Pinna nobilis* e *Tetrao urogallus cantabricus* en España, e se declaran de interese xeral as obras e proxectos encamiñados á recuperación deses taxons, publicada no «Boletín Oficial del Estado», suplemento en lingua galega ao número 251, do 17 de outubro de 2018, procede realizar as seguintes rectificacións:

Na páxina 1, título da orde ministerial, onde di: «Orde TEC/1078/2018, do 28 de setembro, pola que se declara a situación crítica de *Cistus heterophyllus carthagenensis*,...», debe dicir: «Orde TEC/1078/2018, do 28 de setembro, pola que se declara a situación crítica de *Cistus heterophyllus subsp. carthagenensis*,...».

Na páxina 1, segundo parágrafo da parte expositiva, onde di: «Por outro lado, a Lei 42/2007, do 13 de decembro, indica que, no caso de declaración dunha especie en situación crítica, o Ministerio Agricultura e Pesca, Alimentación e Medio Ambiente coordinará as actuacións que realizará cada Administración no ámbito das súas competencias, no marco dun grupo de traballo constituído por, polo menos, un representante do dito ministerio e de cada unha das comunidades autónomas e cidades con estatuto de autonomía da área de distribución da especie. No marco de tales grupos de traballo coordinarase a aplicación...», debe dicir: «Por outro lado, a Lei 42/2007, do 13 de decembro, indica que, no caso de declaración dunha especie en situación crítica, o Ministerio para a Transición Ecolóxica coordinará as actuacións que realizará cada Administración no ámbito das súas competencias, no marco dun grupo de traballo constituído por, polo menos, un representante do dito ministerio e de cada unha das comunidades autónomas e cidades con estatuto de autonomía da área de distribución da especie. No marco de tales grupos de traballo coordinarase a aplicación...».

Na páxina 2, quinto parágrafo da parte expositiva, onde di: «cúmprese o criterio A (declive do tamaño poboacional) para *Cistus heterophyllus carthagenensis*, *Lanius minor*, *Margaritifera auricularia* e *Pinna nobilis*; o criterio B (redución da área de distribución) para *Marmaronetta angustirostris*, *Lanius minor*, *Pinna nobilis* e *Tetrao urogallus cantabricus*; o criterio C (análise de viabilidade poboacional) para *Mustela lutreola*; e o criterio D (criterio de expertos) para *Cistus heterophyllus carthagenensis*, *Lanius minor*, *Margaritifera auricularia*, *Marmaronetta angustirostris*, *Mustela lutreola*, *Pinna nobilis* e *Tetrao urogallus cantabricus*. A información técnica e científica de referencia e a xustificación do cumprimento dos criterios mencionados inclúese nas correspondentes memorias xustificativas dispoñibles na páxina web do Ministerio (<http://www.magrama.gob.es/es/biodiversidad/temas/conservacion-de-especies/especies-proteccion-especial/default.aspx>).», debe dicir: «cúmprese o criterio A (declive do tamaño poboacional) para *Cistus heterophyllus subsp. carthagenensis*, *Lanius minor*, *Margaritifera auricularia* e *Pinna nobilis*; o criterio B (redución da área de distribución) para *Marmaronetta angustirostris*, *Lanius minor*, *Pinna nobilis* e *Tetrao urogallus cantabricus*; o criterio C (análise de viabilidade poboacional) para *Mustela lutreola*, e o criterio D (criterio de expertos) para *Cistus heterophyllus subsp. carthagenensis*, *Lanius minor*, *Margaritifera auricularia*, *Marmaronetta*

angustirostris, *Mustela lutreola*, *Pinna nobilis* e *Tetrao urogallus cantabricus*. A información técnica e científica de referencia e a xustificación do cumprimento dos criterios mencionados inclúese nas correspondentes memorias xustificativas dispoñibles na páxina web do ministerio (<http://www.miteco.gob.es/es/biodiversidad/temas/conservacion-de-especies/especies-proteccion-especial/default.aspx>).».

Na páxina 2, na fórmula promulgatoria, onde di: «Na súa virtude, coa aprobación previa da ministra de Política Territorial e Función Pública, e de acordo co/óido o Consello de Estado, dispoño:», debe dicir: «Na súa virtude, coa aprobación previa da ministra de Política Territorial e Función Pública, e de acordo co Consello de Estado, dispoño:».

Nas páxinas 2 e 3, no artigo 3, respecto ao grupo sobre situación crítica de *Margaritifera auricularia*, onde di: «un representante da Dirección Xeral de Biodiversidade e Calidade Ambiental, un representante da Confederación Hidrográfica do Ebro, un representante do Goberno de Aragón, un representante do Goberno de Navarra, un representante do Goberno de La Rioja e un representante da Xeneralidade de Cataluña.», debe dicir: «un representante da Dirección Xeral de Biodiversidade e Calidade Ambiental, un representante da Confederación Hidrográfica do Ebro, un representante do Goberno de Aragón, un representante do Goberno de Navarra, un representante do Goberno de La Rioja, un representante da Xeneralidade de Cataluña e un representante da Xunta de Castilla y León.».

Na páxina 3, no artigo 3, respecto ao grupo sobre situación crítica de *Pinna nobilis*, onde di: «un representante da Dirección Xeral de Biodiversidade e Calidade Ambiental, un representante da Dirección Xeral para a Sustentabilidade da Costa e do Mar do ministerio, un representante da Xeneralidade de Cataluña, un representante da Xeneralidade Valenciana, un representante da Comunidade Autónoma da Rexión de Murcia, un representante da Xunta de Andalucía e un representante do Goberno Balear.», debe dicir: «un representante da Dirección Xeral de Biodiversidade e Calidade Ambiental, un representante da Dirección Xeral para a Sustentabilidade da Costa e do Mar do Ministerio para a Transición Ecolóxica, un representante da Xeneralidade de Cataluña, un representante da Xeneralidade Valenciana, un representante da Comunidade Autónoma da Rexión de Murcia, un representante da Xunta de Andalucía e un representante do Goberno Balear.».

Na páxina 3, no artigo 3, respecto ao grupo sobre situación crítica de *Tetrao urogallus cantabricus*, onde di: «un representante da Dirección Xeral de Biodiversidade e Calidade Ambiental, un representante do Goberno do Principado de Asturias, un representante da Xunta de Castilla e León, un representante do Goberno de Cantabria e un representante da Comunidade Autónoma de Galicia.», debe dicir: «un representante da Dirección Xeral de Biodiversidade e Calidade Ambiental, un representante do Goberno do Principado de Asturias, un representante da Xunta de Castilla y León, un representante do Goberno de Cantabria e un representante da Xunta de Galicia.».